



Universitätsbibliothek Paderborn

Talio, Sev Metiens Et Remetiens Mensvra

Stengel, Georg

Ingolstadij, 1650

§. 8. Iudæi Christo illudentes, vicißim Iudibrium facti.

[urn:nbn:de:hbz:466:1-52346](#)

§. VIII.

*Iudai Christo illudentes, viciſſim ludibrium
facti.*

7. Nocte sacra Iudæi varijs modis Christo illuserunt, atque ex eo risui suo spectaculum fecerunt. Alij cachinnis exceperunt; alijs fœda illi phlegmata in faciem iecerunt, alijs venerandos illi oculos velauerunt; alijs ei alapas dederunt, & tamquam falsum Prophetam, sibi prophetare eum iusserunt, à quo percussus esset? Igitur postea, vt ea- Joseph. de
dē illis mensura remetiretur, ad immensa bell. Iud.
eorum mala & illud accessit, quod pseudo- l. 7. c. II.
propheta diceret, Deum omnibus polliceri salutem, qui in templum ascenderent: huic quicumq; fidem habuerunt, atque eò ascenderunt, quorum fuere ad sex milia, incendio consumpti sunt. Addit Iosephus, à seditionis tyrannis, qui tum Hierosolymis erant, superinductos fuisse pseudoprophe- tas multos, qui denuntiarent populo, vt expectarent auxilium Dei, ne fugerent, aut deditiōnem facerent, vt sic vana spe dece- ptos intra mœnia continerent. Ad quos pseudoprophetas aspexit Christus, illis ver- bis: *Tunc si quis vobis dixerit: Ecce hic est Marchi Christus, aut ille, nolite credere: Ecce in de-* 24.

S 3

sero;

278 Cap. XIII. Christi patientis,

Vide S.
Augustin.
ep. 80.

serto; nolite exire: Ecce in penetralibus; nolite credere. Surgent enim pseudoChristi, & pseudoprophetæ. Animaduertit ex Iosepho Baronius, cùm esset in oraculis, appropinquasse jam tempus, quo ex Iudea proditorus esset homo, qui summa rerum potitus, & toti terrarum orbi dominaturus esset, quemque seditionorum principum, ut se esse illum persuaderet, adsciuisse sibi pseudoprophetas, qui eadem in populum diuulgarent; vt hac etiam arte populi gratiam conciliantes, velut diuinitus sibi concessum imperium auspicarentur. Quò alluit Christus illis verbis: Videte ne seducamini, multi enim venient in nomine meo, dicentes: Quia ego sum; & tempus appropinquavit. Nolite ire post eos. Sic verum Prophetam contemnentes à falsis seduci meruerunt.

Ioseph.
lib. 7. de
bell. c. 13.

Vt de Zelotis nihil dicam. Sed & qui Christum ludibrio habuerunt, & spectaculo conspuerunt, postea à Tito capti, in theatra pro spectaculis introducti sunt; ubi se ipso confidere, cum bestijs pugnare, & similia tragica ludicrè facere debuerunt. adeò vt Titus frarris sui Domitiani Natalie die 24. Octobr. Anno Christi 73. Cesarez in spectaculum produxerit tantam multitudinem,

tudinem, ut ultra duo millia & quingenta Iudæorum fuerint occisa. *I nunc & verbis, virtutem illude superbis, I, & dic, sanguis eius super nos, & super filios nostros. I, lude cum Deo ; qui ait, se quoq₃ in interitu tuo risurum.*

Matth.

27. 25.

Prov. p.

26.

§. IX.

Iudai Christum veste spoliantes spoliati quoque ipsi fuerant.

8. Iudai Christum sæpius veste exutum inuerecundè nudauerunt, exposuerunt oculis irrisorum, virgis, flagris miserandum in modum ceciderunt. Ut par pari referretur, etiam ipsi, in hac obsidione, à tyrannis in vrbe, & famelicis prædonibus sunt spoliati, profugi autem ex vrbe, vestibus, pecunijs, vita exuti. Quin Syri & Arabes in militiam adlecti, in discisis ventribus eorum pecuniam quæsuerunt. Et quidem vna nocte duo millia Iudæorum laniata sunt ad hunc modum, in quorū fugitiuorum visceribus aurum quærebatur. Et plures fuissent ad hunc modum mactati, ni Titus id mandato prohibuisset. *In qua mensura mensi fueritis, remetietur vobis. Virginum corpus denudasti, vestibus ac vita exuendi fuisti & ipsi, qui pudorem dudum exuisti.*

§. 4

§. X.